



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Historia Missionis Anglicanæ Societatis Iesv**

**More, Henry**

**Avdomari, 1660**

Elogia eorum qui in varijs Prouincij, praeclara gessere & primum Guilielmi  
Good. n. 8.

**urn:nbn:de:hbz:466:1-38320**

## Societatis Iesu, Liber Primus.

gesimi quarti." Scribis quatuor aut quinq; iuuenes Anglos isthinc Romanum tendere, Expectauimus illos cum alijs de quibus Rector Louaniensis: nondum comparent, metuendum ne in Italiam penetrare non potuerint, (quod multis è Germania venientibus accidit) deinde vigesimo Decembris." Peruenere tandem Romam Angli de quibus scriptum fuerat: vnuis laisitudine detentus hæsit Mediolani. Inter istos est Rogerius, parum propensus ad Societatem: Itaque locum illi quæsiuimus in Collegio Germanico quemadmodum ipse met optabat. Tres aureos tantum habuit reliquos, vestiri tamen debuit, lectus aliaque necessaria coëmi, & quatuor aurei nummi pendit in singulos mentes pro victu & habitatione. Hæc mutuo accipimus donec mater prouideat. Angli de urbe nihil contulere; quamquam iuasissime dicuntur abstineret aliquamdiu ab Societate ineunda. Aliorum trium, vnuis est prouectæ ætatis, & tenuiter instructus; Reliqui duo iuuenes quidem, sed leuiter etiam imbuti. A tam longinquo itinere fessos, & nullum quò diuerterent locum habentes admisimus, moti hominum indigentia, alioqui non admissuri. Providendum in futurum, vt si am certiores quales sint, quos mittere cogitatis, vtque hinc responsum exspectetur priusquam mittantur: nisi quis se offerat de cuius excellenti aptitudine dubitare non posse.

At horum aliorūmque quotquot fuerint, industriae, nondum visa est matura seges in Anglia; nam ante annum octagesimum, vix cuiquam in eo regno innoutuit Societas. Apud exterias tamen nationes quando peruitem nauarunt operam, non sunt silentio inuoluenda præcipuorum nomina, neque præclari è factorum commemoratione fraudanda posteritas: videbit enim uero non defuisse viros sapientum iudicio perquam idoneos cuicunq; sustinendæ Provinciæ, occulta verò Dei Providentia definiri statuta tempora quando & per quos animarum salutem in quaue regione procurari velit.

VIII. Inter primos numerandus venit Pater *Guilielmus Good*, quem *Mercurius Provincialis* spiritualibus excultum exercitijs, adiunxit Societati Tornaci in Belgio cùm annum ætatis ageret trigesimum quintum. Natus educatusque Glastoniæ, (Iosephi ab Arimathæa nobilitatè hospitio) Oxonij deinde Philosophiæ ac Theologiæ dederat operam, & gradu magistri in artibus insignitus præmia studiorum cum laude collocatorum, duo Ecclesiastica beneficia obtinuerat, præter Canonicatum; quæ ortu in Anglia propagatoque in hæresim Schismate, simul & patrium solum cum Christi paupertate commutauit. Peractis Probationis annis additus est socius Patri cuicundam Dauidi proficisci enti in Hyberniam cum Armachano Præstule, studiosissimo Societatis, qui nulum non mouebat lapidem ut regnum illud in fide Catholica, & sedis Apostolicæ, obedientia retinebat. Quatuor annos in ea insula posuit, incertum quo fructu; non defuisse tamen laboribus, illud argumento esse potest, quod cum onustus sacra supellectile iter faceret, aggressi eum Hyberni aliquot, ex ijs quos siluestres vocant, sarcinam eripuerunt; In inuoluta quid haberet prospicientes, Sacerdotem esse coniecent, Itaque festino cursum rufus

*Guiliel-  
mus Good  
alias  
Gorde.*

*Ao. 1562.*

*Mittitur in  
Hyberni-  
am.*

*vid. literas  
Poloni 27.*

*Iulij 8<sup>4</sup>.*

*Septemb.*

*1564.*

turus hominem assedit, prouoluuntur omnes in genua, manibus in Cælum protensis. Eo corporis habitu quod vellent cum non caperet Pater, neque illi se (ignotum quiddam frementes) satis explicarent idioma non intelligenti, unus prehensa Patris manu signum Crucis super Socios producit, quasi reliquias absoluturus; tum se curat per Socium pari ceremonia absolui: Ac nuda sanè fuit & vaga Ceremonia: illico enim fugientibus de restituenda sarcina nè minima quidem incidit cogitatio. Anno septuagesimo redijt in Belgium; ubi cum inter studia Theologica etiam Spiritualia tractaret arma, eius praecipue post Deum industria debet Prouincia Anglicana virum celeberrimum Robertum Personum, quem Louanijs hærentem de itinere, piatum Commemorationum ex Sancti Ignatij præscripto vñum docuit, & danti eis operam rerum terrenarum tedium primus iniecit. Inde Romam anno septuagesimo septimo ad solemnem quatuor votorum Professionem vocatus, in Sueciam deinde, & Poloniā destinatus est, Antonij Posseini aliquamdiu Comes: Quâ ex Prouincia vñ cum Patre Adamo Broco, etiam Anglo, comitatus est Prouinciale cum iure suffragij ad Congregationem Generalem quartam, & interfuit electioni Admodum Reuerendi Patris Claudij Aquauiuæ, anno sexagesimo octagesimo: duobus post annis in Anglicana domo de vrbe (non ita pridem ex Hospitali sanctissimæ Trinitatis in Seminarium formata) Confessarij munere ea cum laude functus est, quam testantur eotum temporum accensa in Alumniæ arctioris disciplinæ desideria, & complurium ad labores mortemque conferuandæ Religionis causa subeundam indefessa vota. Ex vrbe cum Neapolim commigrasset, quam hic non habuerat manentem ciuitatem in futura accepit, Anno octogesimo sexto: viginti quinque annis quos in Societate vixit, pīj & prudentis viri nomen confecutus; quarum virtutum monumentum post le reliquit res gestas Sanctorum Angliae, in templo Seminarij Anglicani coloribus expressas; quæ in æs etiam incisa prodierunt Romæ, tacito eius nomine inscriptæ, Ecclesiæ Anglicane Trophæa. De quibus vide nostrum Alegambe in sua Bibliotheca Extat etiam in Seminario de vrbe Manuscriptus Codex Sanctorum Britanniæ per annos Christi, & Regum Britaniæ & Angliae digestus, quem hic contexuisse dicitur, summatim eorum res gestas, virtutēque recensens.

Thomas Dabishier  
Moritur Neapoli.  
Abit Roma in sueciam.  
redit in Belgium.

IX. Edmundus Bonner Episcopus Londinensis (cuius sub Maria ardor emulit in subigenda pullulante tum hæresi, & sub Edwardo & Elisabetha constantia in tuenda inter vincula, & facultatum rapinam Catholica fide) Nepotem habuit Thomam Dabishier, in Episcopatu administrando Cancellerium, in perferendis aduersis commilitonem. Hic post carceres toleratos, exutus amplis possessionibus, quas ei & Auunculi gratia, & iuris Cæsarij Pontificijq, peritia (quâ doctoris gradum erat asseditus) pepererant, eo carius Societarem Iesu complexus est, quo saepius in Sancti eius nominis obsequium adscitus fuerat. Nam Philippo & Maria imperantibus, Sodalitio cuidam Nonnis Iesu, ad quod multarum distributio Eleemosynarum pertinebat, regio diploma.